

ք. Գյումրի

«30» «հունվարի» 2020 թ.

Հայաստանի Հանրապետության Շիրակի մարզպետարանը, ի դեմս մարզպետ Տ.Պետրոսյանի (այսուհետ՝ Պատվիրատու), ով գործում է պետական մարմնի կանոնադրության հիման վրա, մի կողմից, և ՀՀ Շիրակի մարզի «Գյումրու ժող. գործիքների նվազախումբ» պետական ոչ առևտրային կազմակերպությունը, ի դեմս տնօրենի ժամանակավոր պաշտոնակատար՝ Մ. Մալխասյանի, (այսուհետ՝ Կատարող), ով գործում է կազմակերպության կանոնադրության հիման վրա, մյուս կողմից (այսուհետ՝ միասին՝ Կողմեր), կնքեցին սույն պայմանագիրը (այսուհետ՝ Պայմանագիր)՝ հետևյալի մասին.

Պայմանագրի առարկան

1. Պայմանագրով սահմանվում է «ՀՀ 2020 թվականի պետական բյուջեի մասին» ՀՀ օրենքի 08բաժնի 02խմբի 05դասի 1168 ծրագրով պետական և համայնքային ոչ առևտրային կազմակերպությունների ընթացիկ դրամաշնորհների տրամադրման կարգը, որի շրջանակներում Կատարողը ստանձնում է իրականացնել՝ «Երաժշտարվեստի և պարարվեստի համերգներ» 11004 միջոցառումը՝ Պայմանագրով սահմանված կարգով, իսկ Պատվիրատուն պարտավորվում է բյուջեից հատկացված գումարի շրջանակներում Կատարողին տրամադրել 57 934 500 /հիսունյոթ միլիոն ինը հարյուր երեսունչորս հազար հինգ հարյուր/ ՀՀ դրամ, ներառյալ՝ հարկերը, տուրքերը և պարտադիր այլ վճարները:

2. Ծառայության ընդհանուր նկարագրությունը ներկայացված է Պայմանագրի անբաժանելի մաս կազմող «Հավելված 1»-ում:

Կողմերի իրավունքները և պարտականությունները

3. Պատվիրատուն իրավունք ունի.

1) Ցանկացած ժամանակ ստուգելու Կատարողի կողմից մատուցվող ծառայությունների ընթացքը և որակը՝ առանց միջամտելու վերջինիս գործունեությանը.

2) Պահանջել Կատարողից Պայմանագրով սահմանված ժամկետում ներկայացնել հաշվետվություն:

4. Պատվիրատուն պարտավոր է.

1) Պայմանագրի շրջանակներում աջակցել Կատարողին.

5. Կատարողն իրավունք ունի.

1) Պայմանագրով սահմանված կարգով և ժամկետներում ստանալու ՀՀ պետական բյուջեից հատկացվող գումարը:

6. Կատարողը պարտավոր է.

1) Պայմանագրով նախատեսված ֆինանսական միջոցներն օգտագործել Պայմանագրով սահմանված նպատակներով ու չափաքանակներով:

2) Ծառայությունը մատուցել Պայմանագրով սահմանված կարգով և ժամկետներում:

3) Կատարել Պատվիրատուի՝ կողմից բացահայտված թերությունների վերացման նպատակով տրված ցուցումները:

4) Պայմանագրի գործողության ընթացքում ապահովել ծառայության իրականացմանը վերաբերող փաստաթղթերին ծանոթանալու Պատվիրատուի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում:

Վճարման կարգը և ժամկետները

7. 2020 թվականի ՀՀ պետական բյուջեով հատկացվող պետական աջակցության չափը կազմում է 57 934 500 /հիսունյոթ միլիոն ինը հարյուր երեսունչորս հազար հինգ հարյուր/ ՀՀ դրամ, ներառյալ՝ հարկերը, տուրքերը և պարտադիր այլ վճարները:

8. Կատարողը մինչև յուրաքանչյուր եռամսյակին հաջորդող ամսվա 2-ը Պատվիրատուին է ներկայացնում տվյալ եռամսյակում մատուցված ծառայությունների հանձնման-ընդունման ակտը (երկու օրինակից), իսկ 4-րդ եռամսյակի համար՝ մինչև դեկտեմբերի 4-ը:

9. Պատվիրատուն հանձնման-ընդունման ակտը ստանալու պահից հինգ աշխատանքային օրվա ընթացքում Կատարողին է ներկայացնում իր կողմից ստորագրված հանձնման-ընդունման ակտի մեկ օրինակը կամ ծառայությունները չընդունելու պատճառաբանված մերժումը: Ծառայության արդյունքը Պատվիրատուի կողմից ընդունված է համարվում երկկողմանի հանձնման-ընդունման ակտը ստորագրելու պահից:

10. Պատվիրատուն վճարումներն իրականացնում է համամասնորեն՝ ամսական կտրվածքով, անկանխիկ՝ դրամական միջոցները մինչև տվյալ ամսվան հաջորդող ամսվա 10-րդ աշխատանքային օրը, իսկ դեկտեմբեր ամսվա համար՝ մինչև դեկտեմբերի 25-ը՝ Կատարողի հաշվարկային հաշվին փոխանցելու միջոցով՝ համաձայն Պայմանագրի անբաժանելի մաս կազմող «Հավելված 3»-ում սահմանված վճարման ժամանակացույցի:

11. «ՀՀ 2020 թվականի պետական բյուջեի մասին» ՀՀ օրենքի 7-րդ հոդվածի 22-րդ կետի հիմքով, բյուջեից տրամադրվող դրամաշնորհների և սուբսիդիաների նկատմամբ հաշվարկված ավելացված արժեքի հարկի գծով լրացուցիչ հատկացումները չեն կարող ուղղվել այլ նպատակների: Եթե սույն կետում նշված հոդվածներով

Նախատեսված ծրագրերը և միջոցառումները ենթակա են ավելացված արժեքի հարկով հարկման կամ ենթակա են հարկման պետական բյուջեից ավելացված հարկի վճարման համար տրամադրվող գումարի դիմաց ավելի փոքր գումարի չափով, ապա նշված հարկի վճարման համար նախատեսված հատկացումների գծով չօգտագործված գումարները 2020 թվականի ընթացքում ենթակա են վերադարձման Հայաստանի Հանրապետության պետական բյուջե:

Կողմերի պատասխանատվությունը

12. Պայմանագրով հատկացված գումարի շրջանակներում Կատարողի կողմից աշխատանքների և ծառայությունների գնումները պետք է իրակացվեն «Գնումների մասին» ՀՀ օրենքի պահանջներին համապատասխան:

13. Պայմանագրով և ծրագրով նախատեսված պարտավորությունների չկատարման կամ ոչ պատշաճ կատարման դեպքում Կատարողը պարտավորվում է Պատվիրատուին փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 տոկոսի չափով: Ընդ որում, տուգանքի վճարումը Կարարողին չի ազատում իր պարտավորությունները կատարելու և խախտումները վերացնելու պարտականությունից: Պատվիրատուն սույն կետով նախատեսված գումարները հաշվարկում և հաշվանցում է Կատարողին վճարվելիք գումարներից:

14. Պայմանագրով և ծրագրով նախատեսված պարտավորությունների չկատարման կամ ոչ պատշաճ կատարման դեպքում Կողմերը պատասխանատվություն են կրում ՀՀ օրենսդրությամբ սահմանված կարգով:

Պայմանագրի գործողության ժամկետը

15. Պայմանագիրն ուժի մեջ է մտնում Կողմերի ստորագրման պահից և գործում է մինչև 2020 թվականի դեկտեմբերի 30-ը:

Անհաղթահարելի ուժի ազդեցությունը (ՖՈՐՍ-ՄԱԺՈՐ)

16. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում Պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ դրա մասին նախապես տեղյակ պահելով մյուս Կողմին:

Եզրափակիչ դրույթներ

17. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են Կողմերի կողմից:

18. Պայմանագիրը և հավելվածները կնքված են հայերեն լեզվով, Պայմանագիրը կազմված է 2 էջից և 3 հավելվածից՝ «Հավելված 1» 1 էջ, «Հավելված 2» 1 էջ, «Հավելված 3» 1 էջ, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր Կողմին տրվում է մեկական օրինակ: Պայմանագրով նախատեսված հարաբերությունները կարգավորվում են ՀՀ օրենսդրությամբ:

Կողմերի հասցեները, բանկային վավերապայմանները և ստորագրությունները

| ՊԱՏՎԻՐԱՏՈՒ | ԿԱՏԱՐՈՂ |
|---|---|
| ՀՀ Շիրակի մարզպետարան | ՀՀ Շիրակի մարզի «Գյումրու ժող. գործիքների նվազախումբ» ՊՈԱԿ |
| ք.Գյումրի, Գ. Նժդեհ 16 | ՀՀ Շիրակի մարզ, ք. Գյումրի Մ. Մկրտչյան 49 |
| ՀՀ ֆինանսների նախարարության աշխատակազմի գործառնական վարչություն Հ/Հ 900218000023 | ՀՀ ֆինանսների նախարարության աշխատակազմի գործառնական վարչություն Հ/Հ 900218000090 |
| ՀՎՀՀ 05507437 | ՀՎՀՀ 05506322 |
| ՀՀ Շիրակի մարզպետարան | ՀՀ Շիրակի մարզի «Գյումրու ժող. գործիքների նվազախումբ» ՊՈԱԿ-ի տնօրենի ժ/պ՝ |
| S. Պետրոսյան | Մ. Մալխասյան |

2020 թվականին մատուցվող ծառայությունների ընդհանուր նկարագրությունը

«Հ Շիրակի մարզի «Գյումրու ժող. գործիքների նվազախումբ» ՊՈԱԿ

Նվազախմբի գործունեության հիմնական նպատակը և առարկան մշակութային գործունեության իրականացումն է, մշակութային արժեքների և առարկաների ստեղծումը, պահպանումը, տարածումը մշակութային բարիքների ծառայությունների ու արտադրամքի /ապրանքի/ իրացումն է:

- Նվազախումբն իրականացնում է ձեռնարկատիրական գործունեության հետևյալ տեսակները՝
- ծայներիզների, ծայնասկավառակների թողարկում և իրացում
 - հրատարակչական և գովազդային գործունեություն
 - համերգային գործունեություն:

Բնակչության վճարովի ծառայությունները կատարվում են գնացուցակներով նախատեսված գներով և տարիֆներով, իսկ դրանց բացակայության դեպքում պայմանագրային գներով:

Նվազախմբի համերգային գործունեությունը նպատակաուղղվում է անհատի բազմակողմանի զարգացմանը, ազգային մշակույթի պահպանմանը:

Նվազախումբը կատարում է համերգային և ստեղծագործական պատվերներ: Պատվերների կատարման համար սահմանվում է աշխատանքների ծավալը, նյութական, ֆինանսական և այլ ռեսուրսների ապահովվածությունը:

Նշված ծառայություններն իրականացվում են «Հ օրենսդրությամբ, իրավական ակտերով՝ նախատեսված ձևով և կարգով:

- Ծառայությունների մատուցման համար նվազախմբի համար սահմանվում են հետևյալ ցուցանիշները.
- ապահովել դեբյուտային-նորարարական առնվազն 2 ծրագրի /համերգի/ իրականացում՝ ներգրավելով երիտասարդ երաժիշտների ներուժը, ապահովելով ժողովրդական երգերի կատարումը
 - համագործակցել հանրապետության լավագույն նվազախմբերի, խմբավարների հետ, ապահովել ժողովրդական-ազգագրական չբեմադրված ստեղծագործությունների կատարումները /ծրագրում ընգրկել հայ կոմպոզիտորների ստեղծագործություններ/
 - կազմակերպել 26-ից ոչ պակաս համերգ՝ ապահովելով 11700 հանդիսատեսի ներկայություն և դահլիճի ոչ պակաս 65 տոկոս միջին բեռնվածություն
 - ըստ անհրաժեշտության ապահովել մասնակցություն և համագործակցություն Պատվիրատուի կազմակերպած կամ հովանավորած միջոցառումներին
 - աջակցել «Դպրոցական ֆիլիարմոնիայի» գործունեությանը՝ արձեմենտային ծրագրով dasaran.am կայքի միջոցով, ստեղծել համերգային ծրագրեր՝ դպրոցականներին ժողովրդական երաժշտությանը հաղորդակից դարձնելու նպատակով
 - իրականացնել առնվազն 2 հյուրախաղային գործունեություն:

Քաղաքացիական հասարակության տեղեկացվածության և հաղորդակցման բարձրացում արվեստի ոլորտում:

Վերջնական արդյունքի նկարագրություն

| ՊԱՏՎԻՐԱՏՈՒ | ԿԱՏԱՐՈՂ |
|---|---|
| «Հ Շիրակի մարզպետարան | «Հ Շիրակի մարզի «Գյումրու ժող. գործիքների նվազախումբ» ՊՈԱԿ |
| ք. Գյումրի, Գ. Նժդեհի 16 | «Հ Շիրակի մարզ, ք. Գյումրի Մ. Մկրտչյան 49 |
| «Հ ֆինանսների նախարարության աշխատակազմի գործառնական վարչություն Հ/Հ 900211269023 | «Հ ֆինանսների նախարարության աշխատակազմի գործառնական վարչություն Հ/Հ 900218000090 |
| ՀՎՀՀ 05507437 | ՀՎՀՀ 05506322 |
| «Հ Շիրակի մարզպետարան» | «Հ Շիրակի մարզի «Գյումրու ժող. գործիքների նվազախումբ» ՊՈԱԿ-ի տնօրենի ժ/պ՝ |
| Ս. Պետրոսյան | Մ. Մալխասյան |

Կ.Տ.

Կ.Տ.

«Հավելված 2
«30» « հունվար » 2020 թ. կնքված
Թիվ 4 պայմանագրի»

2020 թվականի համար սահմանված ֆինանսական և ոչ ֆինանսական ցուցանիշներ

«Հ Շիրակի մարզի «Գյումրու ժող. գործիքների նվազախումբ» ՊՈԱԿ

1. Ֆինանսական ցուցանիշներ

| Անվանումը՝ Երաժշտարվեստի պարարվեստի համերգներ | | | |
|--|---|--------|-------------------|
| | | քանակը | գումարը հազ. դրամ |
| Քանակական | Հանդիսատեսի թվաքանակը | 11700 | |
| | Համերգների քանակը | 26 | |
| | Մշակութային և այլ միջոցառումներին մասնակցության քանակը | 19 | |
| | Նոր համերգային բեմադրությունների քանակը | 2 | |
| | Հյուրախաղերի քանակը | 5 | |
| Որակական | Ստացիոնար մեկ համերգի համար դահլիճի միջին բեռնվածությունը | 65 | |
| Մատուցվող ծառայության վրա կատարված ծախսը | | | 57934,5 |

2. Ոչ ֆինանսական ցուցանիշներ

| Ցուցանիշներ | միավոր | Քանակ |
|--|---------------|-----------------|
| 1. Հանդիսատեսի ընդհանուր քանակը | մարդ | 11700 |
| 2. Համերգների առավելագույն քանակը | համերգ | 26 |
| 3. Մեկ համերգի հաճախելիության նորմատիվը | մարդ | 455 |
| 4. Նոր և հիմնովին վերականգնվող համերգներ | համերգ | 2 |
| 5. Նորմատիվային եկամուտներ՝ այդ թվում ա/ տոմսերի վաճառքից ստացվող հասույթ բ/ այլ եկամուտ | հազ. դրամ | 4500000 |
| | հազ. դրամ | 1000000 |
| | հազ.դրամ | 3500000 |
| 6. նորմատիվային ծախսեր | հազ. դրամ | 62434500 |
| 7. Տոմսի միջին գինը | դրամ | 1000 |
| 8. Ստացիոնար մեկ համերգի համար դահլիճի միջին բեռնվածությունը | տոկոս | 65 |
| 9. Մեկ հանդիսատեսի սպասարկման նվազագույն շահավետ գինը | դրամ | 5793,4 |
| 10. Տրամադրվող դրամաշնորհի առավելագույն չափը | հազ. դրամ | 57934500 |

| ՊԱՏՎԻՐԱՏՈՒ | ԿԱՏԱՐՈՂ |
|---|---|
| «Հ Շիրակի մարզպետարան | «Հ Շիրակի մարզի «Գյումրու ժող. գործիքների նվազախումբ» ՊՈԱԿ |
| ք. Գյումրի, Գ. Նժդեհի 16 | «Հ Շիրակի մարզ, ք. Գյումրի Մ. Մկրտչյան 49 |
| «Հ ֆինանսների նախարարության աշխատակազմի գործառնական վարչություն Հ/Հ 900211269023 | «Հ ֆինանսների նախարարության աշխատակազմի գործառնական վարչություն Հ/Հ 900218000090 |
| ՀՎՀՀ 05507437 | ՀՎՀՀ 05506322 |
| «Հ Շիրակի մարզպետարան | «Հ Շիրակի մարզի «Գյումրու ժող. գործիքների նվազախումբ» ՊՈԱԿ-ի տնօրենի ժ/պ՝ |
| S. Պետրոսյան | Մ. Մալխասյան |



Կ.Տ.

Կ.Տ.

«Հավելված 3
 «30» «հունվարի» 2020 թ. կնքված
 թիվ 4 պայմանագրի»

ՎՃԱՐՄԱՆ ԺԱՄԱՆԱԿԱՑՈՒՅՑ

«Հ Շիրակի մարզի «Գյումրու ժող. գործիքների նվազախումբ» ՊՈԱԿ
 2020 թ. գումարների վճարման ժամանակացույցն ըստ ամսական բացվածքի՝

| N | Ամիսը | Գումարը (դրամ) |
|-----|-----------|----------------|
| 1. | Հունվար | 0 |
| 2. | Փետրվար | 5 230 200 |
| 3. | Մարտ | 5 230 200 |
| 4. | Ապրիլ | 4 827 900 |
| 5. | Մայիս | 4 827 900 |
| 6. | Հունիս | 4 827 800 |
| 7. | Հուլիս | 4 827 900 |
| 8. | Օգոստոս | 4 827 900 |
| 9. | Սեպտեմբեր | 4 827 900 |
| 10. | Հոկտեմբեր | 6 168 900 |
| 11. | Նոյեմբեր | 6 168 900 |
| 12. | Դեկտեմբեր | 6 169 000 |

| ՊԱՏՎԻՐԱՏՈՒ | ԿԱՏԱՐՈՂ |
|---|---|
| «Հ Շիրակի մարզպետարան | «Հ Շիրակի մարզի «Գյումրու ժող. գործիքների նվազախումբ» ՊՈԱԿ |
| ք..Գյումրի, Գ. Նժդեհի 16 | «Հ Շիրակի մարզ, ք. Գյումրի Մ. Մկրտչյան 49 |
| «Հ ֆինանսների նախարարության աշխատակազմի գործառնական վարչություն Հ/Հ 900211269023 | «Հ ֆինանսների նախարարության աշխատակազմի գործառնական վարչություն Հ/Հ 900218000090 |
| ՀՎՀՀ 05507437 | ՀՎՀՀ 05506322 |
| «Հ Շիրակի մարզպետարան» | «Հ Շիրակի մարզի «Գյումրու ժող. գործիքների նվազախումբ» ՊՈԱԿ-ի տնօրենի ժ/պ՝ |
| S. Պետրոսյան | Մ. Մալխասյան |

